

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

#### “Коми Республика мутасын челядя семьяяслы социальной отсөг сетан содтөд мераяс йылысь” Коми Республикаса Оланпасө вежсьөмьяс пыртөм йылысь

Примитөма Коми Республикаса

Каналан Сөветөн

2023 вося лөддза-номья төлысь 21 лунö

**1 статья.** Пыртны “Коми Республика мутасын челядя семьяяслы социальной отсөг сетан содтөд мераяс йылысь” Коми Республикаса Оланпасө (Коми Республикаса канму власьт органьяслөн индөд-тшөктөмьяс, 2011, 14 №, 353 ст.; 36 №, 908 ст.; 47 №, 1335 ст.; 2012, 7 №, 171 ст.; 2013, 32 №, 578 ст.; 2014, 9 №, 119 ст.; 14 №, 243 ст.; 33 №, 672 ст.; 2015, 8 №, 92 ст.; 2016, 17 №, 221 ст.; 18 №, 260 ст.; 2017, 9 №, 148 ст.; 27 №, 487 ст.; 2018, 17 №, 305 ст.; 2019, 15 №, 206 ст.; 2020, 10 №, 143 ст.; 2021, 22 №, 409 ст.; 2022, 13 №, 193 ст.; 15 №, 250 ст.) татшөм вежсьөмьяс:

1. 1 статьяса 1 пунктö “олан жыр выль ног лөсьөдны да (либö) выльысь планируйтны” кывьяс бöрын содтыны “, ньöбны транспорт средство” кывьяс.

2. 5 статьяса 3 юкöнын:

1) 5 пунктын “выльысь планируйтөм.” кывьяс вежны “выльысь планируйтөм;” кывьясөн;

2) содтыны татшөм сюрöса 6 пункт:

“6) транспорт средство ньöбөм.”.

3. Содтыны татшөм сюрöса 8<sup>2-1</sup> статья:

**“8<sup>2-1</sup> статья. Динмуса семейной капитал сьöмсö  
транспорт средство ньöбөм вылö  
веськөдөм**

1. Тайö статьясö збыльмөдөм могысь транспорт средство улын гөгөрвосьö батълөн либö мамлөн (пи (ныв) пыдди босьтысьясысь öтилөн) асэмбурö босьтөм:

1) аймуын вöчөм автомашина, көнi эм нельысь абу этшаджык пукалан места (шоперлөн пуклөсысь öтдор), кутшөмөс ньöбөма официальной дилерлысь (дистрибьюторлысь) либö организациялысь – транспорт средствосö вöчысьлысь;

2) аймуын вöчөм утилитарной снегоход, кутшөмөс ньöбөма официальной дилерлысь (дистрибьюторлысь) либö организациялысь – транспорт средствосö вöчысьлысь;

3) аймуын вöчөм ичөт судно, кутшөмөс Россия Федерацияса оланпастэчас серти колö канмусянь пасйыны.

2. Вөдитчөм йылысь заявление серти динмуса семейной капитал сьöмсö (сьöм юкөнсö) транспорт средство ньöбөм вылö ыстöны индөм

сьомсö организациялы, кодi сетö ньöбан транспорт средствосö, безналичнöя вуджöдöмөн, тайö статьяса 3 юкөнөн урчитöм случайяс кындзи.

3. Сы могысь, медым ньöбны тайö статьялөн 1 юкөнса 1 пунктын индöм транспорт средствосö, вöдитчöм йылысь заявление серти динмуса семейнöй капитал сьомсö (сьом юкөнсö) позьö ыстыны индöм сьомсö организациялы, тшöтш и кредитнöй, кодi кредитнöй сёрнитчöм (заём сёрнитчöм) серти сетис индöм могъяс вылö сьом, безналичнöя вуджöдöмөн.

Динмуса семейнöй капитал сьомсö (сьом юкөнсö) позьö видзны кредитнöй сёрнитчöм (заём сёрнитчöм) серти кöсйысьомъяс олöмö пöртöм вылö, кутшöмъяс йитчöны тайö статьялөн 1 юкөнса 1 пунктын индöм транспорт средство ньöбöмкöд, кутшöмъяс артмисны социальнöй отсöг сетан содтöд мераяс вылö инöд босьтан кадпасöдз öти воысь эз водзджык.

4. Динмуса семейнöй капитал сьомсö (сьом юкөнсö) транспорт средство ньöбöм вылö ыстан правилöяссö урчитö Коми Республикаса Вескöдлан котыр.”.

**2 статья.** Тайö Оланпасыс вынсялö 2023 вося моз тöлысь 1 лунсянь.

Коми Республикаса Вескöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2023 вося лöддза-номъя тöлысь 27 лун

43-РЗ №